

Stáhtaráđi ášahus

boazodoalu ja luondduealáhuseid ráhkadusdoarjagiin addojuvvon stáhtaráđi ášahusa rievdadeamis

Stáhtaráđi mearrádusa mielde gomihuvvo boazodoalu ja luondduealáhuseid ráhkadusdoarjagiin addojuvvon stáhtaráđi ášahusa (276/2017) 3 §, ja rievdaduvvo 2 ja 10 §, 14 § 1 momenta, 20 §, 36 § 2 momenta, 41 § 1 momenta, 42 §, 43 § 3 momenta, 52 ja 53 §, 55 § 1 ja 5 momenta ja 57 § 2 momenta čuovvovaččat:

2§

Eurohpa uniovnna láhkaásahemi guoskadeapmi

Dušše boazodoalu doarjaga miediheami gáibádussan lea, ahte doarjaga ožžon doaibma deavdá bohccuid ja boazobuktagiid buvttadeapmái ja gávppi doallamii Suomas miediuvvon sisriikkalaš doarjagiid miediheamis addojuvvon Eurohpa kommišuvnna mearrádusa K (2016) 1752, eavttuid.

Nuora ealáhusebargi álggahandoarjaga, eará luondduealáhuseid go boazodoalu doarjaga ja dutkanruhtadeami miediheami gáibádussan lea, ahte dorjojuvvon doaibma deavdá dihto eavttuid, mat bohtet eanan- ja meahcedoallosuorggi ja dálanguovlluid doarjjahámiid gávnaheamis sismárkaniidda heivvolažžan Eurohpa uniovnna dahkkon soahpamuša 107 ja 108 artihkkala mielde addojuvvon kommišuvnna ášahusa (EU) Nr 2022/2472.

Boazodoalu ráhkadusdoarjalága 87 § 1 momenta 2 ja 4 čuoggáin dárkkuhuvvon sierra ovddu miediheami gáibádussan lea, ahte dorjojuvvon doaibma deavdá Eurohpa uniovnna doaimmas dahkkon soahpamuša 107 ja 108 artihkkala heiveheamis unnán mearkkalaš doarjagii eanadoallosuorggis addojuvvon kommišuvnna ášahusa (EU) Nr 1408/2013 eavttuid.

Boazodoalu ráhkadusdoarjalága 87 § 1 momenta 3 čuoggás dárkkuhuvvon sierra ovddu miediheami gáibádussan lea, ahte dorjojuvvon doaibma deavdá Eurohpa uniovnna doaimmas dahkkon soahpamuša 107 ja 108 artihkkala heiveheamis unnán mearkkalaš doarjagii guolástan- ja čáhcegilvinsuorggis addojuvvon kommišuvnna ášahusa (EU) Nr 717/2014 eavttuid.

10 §

Iežas buvttabidjosat

Priváhta ruhtadeapmin dohkkehuvvo hukseninvesteremis iežas muorraávdnasa dahje eananávdnasa geavaheapmi ja doarjjaoažžu dahkan bargu. Iežas barggu árvu lea 20 euro bargodiimmus. Juos bargu dahkkojuvvu tráktora dahje eará dávisteaddji bargoneavvu geavaheamiin, barggu árvu lea 40 euro diimmus olmmošbarggu lassin.

Barggus galgá doallat diibmogirjedoalu. Muorraávdnasa ja eananávdnasa mearis, šlájjas ja hattis galgá čujuhit áššedovdi čilgehussii.

267/2023

14 §

Ámmátdáidu

Doarváí buori ámmátdáidun dollojuvvo doarjaga čuožáhaga ealáhusdoaimma suorggis skáhppojuvvon unnimusat nuppi dási dutkosa.

20 §

Investerendoarjaga olggobeallái báhcán golut

Investerendoarjja ii máksojuvvo goluin, mat šaddet:

- 1) šattuid dahje eará ealliid go bohccuid háhkamis;
- 2) tráktora, smávvgoaivunmašiinna dahje biilla háhkamis;
- 3) eiseváldelobiin dahje doaibmabijuin, mat dahkkojuvvojit Eurohpa uniovnna gustojeaddji gáibádusaid doahttaleami várás;
- 4) dorjojuvvon doaibmabiju ruhtadeamis;
- 5) árvolassivearus, juos dat ii báze ohcci loahpalaš gollun ja ohcci ii buvtté čilgehusa das, ahte árvolassivearu ii leat vejolaš oažžut geahpádussan dahje máhcahuvvot ruovttoluotta;
- 6) ohcci iežas čađahan fievrideamis;
- 7) ohcci, su bearašlahtu, ohcci dahje su bearašlahtu mearridanválddi vuollásaš fitnodaga dahje ohccin leamaš fitnodaga jodiheaddji sajádaga leamaš olbmo dahkan háhkamiin, juos háhkamis eai leat bivdojuvvon doarváí olu fálladagat eará áššáigullelaš fálliin.

36 §

Doarjaga čuožáhat ja dohkálaš golut

Dutkanruhtadangollun sáhttet dohkkehuvvot 2 § 2 momeanttas namuhuvvon kommišuvnna ásašusa 38 artihkkala 7 čuoggás dárkkuhuvvon golut.

41 §

Golu duođašteapmi

Doarjaga máksima ja loana loktema ektun lea, ahte doarjjaoažžu laktá máksinohcamuššii čuoldima doaibmabijus duođaštuvvon šaddan goluin ja doaibmabiju ovdáneamis. Doarjja ii máksojuvvo ovdal go gollu lea girjejuvvon doarjjaoažžu rehketdollui dahje geatnegahtton mui-tuimerkejumiid dahkki vearrogeatnegasa oasil muituimerkejumiide.

42 §

Álggahanveahki doarjaga máksin

Álggahanveahki doarjjaoassi máksojuvvo guovtti seammasturrosaš earrin.

Doarjaga nuppi eari máksima eaktun lea fitnodatdoaimaplána ollašuhttin. Álggahandoarjja máksojuvvo eanemusat viđa jagi áigge doalu álggaheamis.

43 §

Eará doarjaga máksin ja loana lokten

Máksima várás ohccojuvvon doarjaga maŋemus earri galgá leat unnimusat 20 proseantta doarjjan miedihuvvon veahki mearis ja loana vuosttaš ja maŋemus earri galget leat unnimusat 20 proseantta loana ollislaš mearis, mii lea doarjaga čuožáhahkan. Assanhuksendoarjaga veahkki máksojuvvo ja loana oažžu loktet gárvväsnuvvandási mielde.

52 §

Loatnalágádusa goluid buhtten

Loatnalágádussii stáhtaloanaid dikšumis šaddan goluid buhtadusa sturrodad lea 0,75 proseantta mávssekeahtes loatnakapitála mearis. Buhtadus ohccojuvvo Biebmobearráigehččui jahkebeliid gaskka.

53 §

Loana doarjaga čuovvun

Loana doarjaga čuovvuma várás, mii laktása stáhtalotnii, reantodoarjjalotnii dahje eará lotnii, man čuožáhahkan lea stáhtadáhkádus, loatnaaddi galgá doaimmahit Biebmobearráigehččui aŋkke čuovvovaš dieđuid:

- 1) guovddášruhtalágádusdovddaldaga ja doarjaga hálddašeaddji loatnalágádusa kontora nummára;
- 2) loatnaoažžu ja gieldakoda;
- 3) doarjjamearrádusa hálddahuslaš nummára;
- 4) doarjjašlája ja -koda;
- 5) loana nummára, miedihuvvon loana meari, loatnašlája ja loatnaáiggi;
- 6) loana miedihanbeaivemeari;
- 7) doarjaga meari oktiibuot mii gullá lotnii dahje stáhtadáhkádussii;
- 8) loanas loktejuvvon eari máksima ja loktema beaivemeari;
- 9) reantoproseanta sihke loana ja reanttu rehkenastinvuogi;
- 10) oanidanvuogi ja loana earrebeivviid;
- 11) loanas máksojuvvon reanttuid ja daid máksinbeivviid;
- 12) loanas máksojuvvon oanádusaid ja daid máksinbeivviid;
- 13) loana mávssekeahtes kapitála;
- 14) reantodoarjaga guđege reantoáigodaga vássán doarjaga meari ja reantodoarjagis geavahuvvon oasi oktiibuot;
- 15) stáhtaloanas gollan doarjaga meari guđege reantomáksingaskkas sierra ja reantodoarjjaovddus, oanádusaid friddjajagiin, reantofriddjavuohtan ja dáhkáduskeahtes gullevaš doarjagin geavahuvvon oasi oktiibuot;
- 16) miedihuvvon máksinálkideami meari jahkin.

55 §

Stáhtadáhkádusa čuozáhat ja eavttut

Stáhtadáhkádus sáhtá miedihuvvot 4 logus dárkkuhuvvon buvttadanvistti hukseninvesterema dahje bohccuid háhkama várás sihke 6 logus dárkkuhuvvon orrunviesu várás váldojuvvon lotnii ja 5 logus dárkkuhuvvon lotnii, mii laktása nuorra ealáhusbargi álggahandoarjagii.

Stáhtadáhkádussii ferte ášahuvvot vuostedáhkádus sáhtá leat giddodat- dahje fitnodatgidehus.

57 §

Stáhtadáhkádusas bearranvuloš mávssut ja buhtadus mii máksojuvvo loatnaaddái

Loatnaaddái dáhkádusloana dikšumis máksojuvvon buhtadus 0,2 proseantta dáhkádusa guđege áigge báhcán mearis. Buhtadus ohccojuvvo Biebmobearráigeahčus jahkebeliid gaskka.

Dát ášahus boahtá fápmui njukčamánu 6 beaivve 2023.

Dát ášahus guoskaduvvo doarjaga miediheami ohcamuššii, mii lea johtáhuvvon njukčamánu 6 beaivve 2023 dehe dan maŋjel. Go dát ášahus boahtá fápmui, de gustojeaddji mearrádušat guoskaduvvojit doarjagiidda, mat leat miedihuvvon ovdal dán ášahusa fápmui boahtima.

Jagi 2023 ovdalis 4 § 2 momeantta 2 čuoggás dárkkuhuvvon mearreáigi dutkanruhtadeami ohcamii nohká cuoŋománu 30 beaivve 2023.

Helssegis 2.3.2023

Eanan- ja meahcedoalloministtar Antti Kurvinen

Láhkaásahanráđdi Maija Kaukonen